

pci

January
2015

Presbyterian Church in India (Reformed)

MESSENGER



**Jesu it seem kum
2015**



bi
:
sar

pci Messenger

A monthly organ of Presbyterian Church in India (R)

Vol.XXIV

January 2015

No. 01

PRODUCTION TEAM

Editor

Rev. Khen P. Tombing
C/No. 9862088190

Jt. Editor

Rev. H. Chin Thiansong
C/No. 8731850322

Contributing Editors

Rev. G. Suanzalam
Rev. Khamlianmang
Eld. T. Khupzadou
Eld. Langkhanpau Guite
Eld. N. Thangzamawi

Cir. manager

Mr. C. Biaklun

Head Office

Presbyterian Church
in India (Reformed)
Box -32, Hebron Veng,
New Lamka 795128
Manipur, INDIA

Subscription Fee

Rs. 10/- per copy or per month

Website of the Church

<http://www.pcireformed.com>

THU TUUNTE

Editorial	01
Kumthak Thupuak	02
Pathian' hon teh dan	05
Saptuam leh eite	09
Mission Report	11
Khawmpi Report	13
Titanic	17
Miracle	21
Khawmpi Feedback	23
Kizaksakna leh ngetna	28

A sung a thu
kigelhte editorial board
ngaihnan ahivek
kei.

Printed, published and edited by Rev. Khen P. Tombing at Diamond Offset
Press for the Presbyterian Church in India (Reformed)



JESU IT SEEM KUM - 2015

-Rev. Khen P. Tombing



Lametna thak toh kum thak hon lut pih i biak Pathian min in navek un chibai!

Ngaihtuahna leh thumna tampi toh i Saptuam' thupi dingin "**Jesu It Seem Kum**" chih i telkheta ua, kumdangte bang a mi tamtakten i phattuam pih ngei uh ka lamen hi. Jesu'n Perter kiang a "*Hiaite sangin kei n'on it zaw hia?*" chih dotna abawl pen i kumpuan thupi toh kizui in a-dawwna bang i chi piak ding uale?

Jesu sang a it zawk ding tampi omna khovel ah i khosa ua, hun tamtak ah Jesu it ding ahi chih thei kawm pi-pi in i taisan sek uhi. Sum-leh-pai deihtakna, thuneihna, lalna, leh khovel nopsaknate mahmah it in i delh kha-nak uhi. Huaiziakin tu kumthak 2015 ah, banghiam thupukna lak ding na neih peuhmah chiangin, "*Hiaite sangin kei non it zaw hia?*" chih dotna dawng fel masa a thupukna la dingin ka hon ngen hi. I thupukna bangin Jesu i-it leh i-it taktak louh hong kichian ding hi. Jesu'n Peter kiangah na hon it taktak leh "**ka belamte vaak in**" a chi hi. Hiai in Khalam leh Salam a tuunkhawm hi. Biakin a thugentu dia seh a om (abikin Upa leh Pastor) te'n kisakkkholhna leh thumna kumdangte sang a tamzaw i neih uh poimoh hi. Jesu na it taktak leh khalam ann na piakkiak ding (thugen) na kisakkkholh ek ngai chihna ahita hi. Kisakkkholhna in, thumna, Laisiangthou sim taimaknate a huam hi. Huaite tuh Jesu i it taktak leh taktak louh chetna ahi. Huaibanah, Jesu it taktak i hihleh bel tagah-meithai panpihna nasep kumdang sang a thupi zaw a i sep uh ngai ding hi. Jesu'n "*Hiai mineupen tung a thil na hih uh, kei tung a hih na hi uh*" chi hi. Na thilpiak ah Jesu na it na zah teh theih ding hi. Bangzah a lian in Jesu na it dia?

KUM THAK 2015 THUPUAK

- T K Shyam Valte

Khrist sisan vang-a sanggam itte, Amasa in kum thak 2015 hon musak I biak Pasion' min in Chibai kon buk hi. Zawlnei Jona gen bang in, I Pasion bel "...*Itna leh lainatna hau Pasion, dohthei a migi jou gige; gawt lou a ngaidam diing a lungsim khek dia mansa gige...* (4:2)" a chih bang in, I hoihna leh chitna om hetlou hinapi, Pasion itna leh deihsakna i neih khakziak kia a, kumkai thei i hih man in, Pasion kiang ah kipathu i gen masa hi. Kumthak 2015 thupi dia i tel uh, "***Jesu it sem kum***". Hiai thupi pansan a, kumthak 2015 sung a, Jesu i it sem theina diing leh midangte a dia vualzawlina i hihtheihna diing in, tamlou enkhawm leng kachi:

1. Tata Kepna: Khovel khantouh toh kiton in, Setan in piltak mai in tate vanzat hoihpen leh lungluthuai pente zangin zol lellel hi. Television, Internet, Mobile leh kholak a amuhte uh sanga thupizaw, hatzaw phetlou a huaite bawltu Pasion, bangkim hihthei, hinna leh sihna tunga Thuneipa, lauh diing, muan diing leh biak diing ahihna ngaikhawk mahmah kawm a, limtak a tate sinsak diing, kem diing (Diu. 6:4-9; Sam 78:1) leh *Jesu i itna*, I tate kep dan a, ikilat sak kum hileh i chi ahi. Hiai in Jesu Khrist it diing ahihdan hon sinkhia theih diing uhi.

2. Mahni Kithununna: Kam a na thugente sangin na omdan leh thilhihte'n thutam genzaw uhi. Nang adia hing hi nawnlou in, A sisan a hon lei, Jesu' a dia hing, na hi chih kichian tak a, na neih diing kisam hi. Tua hinna na kichian tak neilou leh Khristhununna hinkhua zanglou a, Ut bangbang a khosa a, duh tengteng ne-leh-dawn in, Tuailai hoih, Zi hoih, Pasal hoih, Nu-leh-Pa hoih, Makai hoih, Heutu muan huai leh Jesu it mahmah kahi I kichi ngam diing uam unau?. Paul in midangte pukna diing ahih leh sa neklouh, uaiin dawnlouh, thil bangpeuh hih louh ahoih achi.

I omdan leh Khrist Tanchin Hoih kituhsak diing ahi (Phil.1:27). Tua in midangte mai leh Pasion mai ah, Jesu i itna kilang sak semsem diing hi. Huaiziak in Jesu I itna ziak kia in, tukum apan Mahni kithununna kum hileh i chi ahi.

3. Sum-le-pai Zeekna:

Laisiangthou in leitung a Bank-te hilou in, *“Leikha leh Tui-ek in anek siatna, Gutate’n aphen vang ua, aguukna uh, lei ah gou kikhoh kei unla, Leikha leh Tui-ek in anek siatlouh na van ah kikhoh zaw un a chi hi”* (Mat. 6:19-21). Huaiziak in, Pasion nasepna dia i zatte kia ahi van-gam a I muhkik diing uh. I dinmun, I khaloh, I living standard leh Pasion gam adia I piakkhiakte bukkak mah dih uh, Pasion gentak louh I mihinpihte lametna tanle tunglou ihi kha mai diing uam? Mahni adia alimpen, a hoihpen, a nuampente pia a, ahihhang a, Pasion a dia i Piak khiak diing haksa sa ngoihngoih i hikha diam. Khutdoh khat in kumpi Alexander kiang ah panpihna a nget leh dangka-eng (gold coin) bangzah hiamtak pia hi. A sikhate khat in tampia sa lua ahi diing a, “Pu aw, hiai khutdoh

maimai adia, dal dangka (copper coin) le huntawk eive” na chi hi. Kumpi Alexander in bangchi hiam i chihleh, *“Khutdoh adiingin dal dangka ahuntawk a, himahleh Kumpipa piak diingin dangka-eng a kilawm hi”* chi’n dawng hi. Hiai in ei kiphah dan mai hilou in, dinmun tohkitsuak, i Piak diing leh gamtat kilawm om ahi chih honchian sak mahmah hi. Leitung a I sum neihte khamangthang matna leh gentheite a dia, I piak chiingin van-gam a I lawm man diing khawl khawm i hi zaw hi. Juda sahkho makai Rabbi-te’n *“mizawngte angsung tuh van-gam a gou kholna dia sumkoihna vang (counter) ahi”* chi hial uhi. Huaiziak in, unaute Jesu Khrist i itna, a kilat semna diing in, sum-leh-pai i zekna leeng i etkai zek kism diing hi. Huaiziak in Jesu I itna ziak kia in, tukum apan Sum-le-pai i Zeekna ah Jesu Khrist phoksuah kum hileh i chi ahi.

4. Khalam Kikepna:

Kumthak a I di’n ban ah, Jesu Khrist i It semna diing in, khalam hinkhua a, i kipi dan uh, kibawl thak na diing in. Hiai anuai ate tukum in mimal leh Innkuan chih in semsuah leng kachi hi:-

- 1) **Biakinn kai:** Toupa'n I hinna in ei kia hilou, I zi, I tate, I damna honpiak leh Biakinn mihinpihte banah hon siamtu kaikim kum, leh hun zat dik Pasion toh kisaikha ahi chih phawk kum hihsak diing thak in, Hun nanung ahihtak man
 - 2) **Laisiangthou sim:** Pasion in, vaihawmte soisel, midangte toh kipolhna dia Laisiang dem, phunchiak, mahni thu kia thou sim gige kum hihsak deihna leh angmasialna chihthe chiil diing. bawl a, Kikhenna diing hiam
 - 3) **Inkuan maitam:** Innsung ahihkeileh kithupisakna ziaka maitam puahphat kum bangmah hihlouw diing leh lungsim hihsak diing. ki-niam khiak tak a, i hinkhua a
 - 4) **Thumna:** Thumna a Pasion "*Jesu I itna langsak a*" kum 2015 toh kithuah gige kum hihsak a ETTON TAAK(thuneihna kia diing thak in, Nasem hoih), Pasal, deih hilou, Nasem hoih), Pasal,
 - 5) **Vualzawlina:** Midangte adia Numei, Upa, Heutu leh Makai vualzawlina naak khat hih hoih, hong hi diing leh Nungzuitu kum azat diing. muanhuai hi diing in kon chiak
- Khris a Unaute, "*Jesu it sem kum*" chih thupi a i neih bang un, thakthak ahi. Tuabang hithei diingin Pasion in hon vualzawl hen.
-

ZENHANG LAMKA NAUPANG CHIALPI

Zenhang Lamka PCF (Naupang pawl) in December 16 - 19, 2014 sung naupang chialpi a bawl uh lohching tak a zoh in om hi. Hiai chialpi ah naupang 40 veel in Jesu kris Hondampa a pom in kilankhia uhi. Thugenpi in Elder V. Nunlian pang hi. Thupina leh minthannate Pathian in tangta hen. Naupang kilankhe thakte a dingin thumsakni.

PATHIAN' HON TEHNA DAN

-V. Nunlian

Hiai thu, "Pathian' hon tehna dan" ka hon gelhkhiakna kipatna ahieh Benny Prasad, Pathian thugen a khovel tawnsuak a world record ngah zopen pa'n Time Square Church, US a athugen ka ngaihkhia akipan hong pawt ahi, himahleh, a thugen ka hon laksawn ahieh banah Benny in "Pathian' hon tehna dan" kichi gen kha mawngmawng lou, a thugen ka ngaihkhia lai a ka lungsim a hong lut bel ahi.

Benny in athugenna a nalh ka sak mahmah tuh, "Mite'n na khualzinna ah **tuahpha** (lucky) in aw" chi in hon khaliem sek ua, ken ka dawnna ah "Tuahpha (lucky) ka deih kei, Pathian hon vualzawl ahi zaw, tuahpha aom kei, Pathian apan vualzawl ahi ka chi zeel" chi hi. Dik in teh "Ka vangpha thou" i chih chiangin hon vualzawltu, tuahpha hon petu Pathian i pampaih a, a vualzawl na pen accidentally (amawkna mai) a hong tung i hi sak uh chihna ahi. Huaiziakin 'VANG' kichi tuh amawkna hilou in Pathian apan deih sakna manpha mahmah ahi chih theih kisam. I pom thei diam ah!!

Aihleh i thupi taktak ah lutni le. Biakin kong a thohlawm thohte

toh kisai a Jesu' thugen tuh "Meithai nu'n pe tam pen" chih ahi. Huaibel, mihausate'n aneichte lak ua kipan tamlou a thoh ua, a gou neih uh toh a percent a et in a thohlawm thoh pen uh lakh tampi lak a cheng khat piak toh kibang hikha ding hi. Meithainu'n bel a neih teng mah pia hi. Huai bel a percent a et in 100% ahi.

Awle, ka gen ut tak hiai ahi. Bible ah khagahte,- nunnemna, thuaktheihna, dohzohna leh adangdang chi in a gen suk diudeu hi. Mihingte i pianken ah mi chih hak deuh, heh baih deuh, heh hak deuh, kampau nemtak a pau siam deuh, kampau khauh deuh, om ba-bauh deuh bang i om tiltel ua, tuate lak ah lungduai leh nunnem

pianken neikhate tuh mihingte' etdan ah KHAMi ahi suk pah geih hi. Ama pianken tuh mite' pahtak leh kipahpih mizia ahikhak ziakin hampaha khat suak suk pah. Alehlahm ah sou baih deuh pianken toh piangkheteh pen KHAMiLOU dan a koih hisuk pah geih nawn mai uhi.

Hiai ah mihingte' tehdan leh etdan ah hilou in Pathian' etdan in hon gen suk hitaleng kua pen khami hong hi ding hiam? Nang a om mizia akipan a bukkak/tehkak hong hita ding hi. Mi nunnem mizia nei mi tuh a nunnemna neihsa akipan tehtou lehang, nuneem mizia aneih tuk a nunnem hetlou ana hidaih kha ding hi. Kampau khauh leh hehbaih deuh mizia neitu leng amah a omsa mizia akipan in tehtou lehang gintak sang a nunnem mahmah (a percent a et in) ana hi daih zaw kha ding hi. Huai bel, Jesu'n thohlawm thoh thu a meithainu' thohlawm thoh pen amah gentheih dan akipan ahon tth/bukkkak touh chiangin, tawmchik a piak himahleh tampi pia ahong suah daih bang a eite leng i mizia neihsa akipan in kiteh chiat lehang bang dinmun ah i ding phet mah di uam chih kivel thak

tuak hi. Mi nunnem mahmah a i theihte leng ana huchi nunnem lotel lou uh hikha mai thei eikhka aw, Pathian' tehna dan ah!!

Bible in mi chih in midang en lou in amah leh amah ki en chian hen a chi a, midang toh kiteh le-hang bel nunnem lua, khami lua hikha ding hihang. Himahleh ei a mihinzia omsa akipan ei leh ei kiteh lehang khami i kichihna pen niam mahmah ana hidaih thei hi!! daih mai a le!! Mipil mahmah pen amah a pilna omsa dungzui in amah leh amah kibuk sak lehang a pil tuk a pil zoulou le hikha thei. Hiai tehdan pen fair (siangthou) mahmah ana hi hi. Ahai deuhte, a zawng deuhte leng i dinmun tek mah a ei leh ei kiteh/kibukkkak i hihmanin complain na di omlou khop tehna siangthou asuak hi. Hauhsak, pil, nunnem leh hehbaih thu ah hitalou in mahni hihna tek mah a percent ki en ahihmanin bukna diktak (siangthou) dembei ahi top mai hi.

Kaihlam te'n buh teh na dingin seeng lian nei tuamse uhi. A buh tehna ua tin nih dan a asimna seeng uh tin taktak a i teh leh tin thum bang pha thei hi. Mi tamtakte'n

sawm a khat piakna lam ah chalak dingin gingta uhi. Himahleh kaihlam mite'n sawm a khat a piak chiangun tin taktak zang tuan lou in a buh tehna seeng mah zang uh ahihmanun a chalakna uh om tuan lou hi. Buh tehna leh sawm-a-khat piakna seeng kibang sak uhi. Huaibang in ei mihingte tuh midang toh teh a omlou in, ei hihna mah ah teh in i om zaw uhi.

Pastorte a pastor ordain hihna uah teh/bukkaak in aom ua, tua bangin reverend-te leng a reverend hihna uah buuk in aom uhi. A reverend hihna utoh midangte' a tekkak hileh bel amau a sang in thupi mahmah ding hi. Himahleh, mahni hihna mah toh kiteh hiziau lel ahihmanin dinmun leh hihna neiloute a dingin leng 1st prize lak theih na chance tawm tuan hetlou, mi thupite neih zah geih mah kinei ahihmanin hamphat huai mahmah hi. Huchilou hileh, mi hausaten vangam hon kaisan vek ding uhi. Crore khat neitu in thohlawm a sangkhat a thoh toh, Lakh khat neitu in thohlawm dia zakhat (100) athoh kibang veve. Ken sangkhat lak akipan cheng

10 ka thoh chiingin crore khat nei pan 1000 a thoh kibang thou. Sum sangkhat ka neih lak akipan cheng 20 ka thoh chiang bang a tuh...crore khat nei pan sangkhat a thoh sang a thoh tam zaw kei zawmah voi! Kuamah a sang zaw chih om theilou. Hiai bang tehnan siangthoutak a Pathian in ahon teh mawk ziaakin kipah huai mahmah hi.

Ahia, akipah huai na zahzah in lauhuai lua hi. Midang toh i ki bukkak chiang a bel, i hat zawkna ana om sek tham hi. Midang sang in kei mah kong kigen ding. Kum paisa in bible ka simsuak a, tukum in simsuak nawn ka sawm a, thukhunthak ka lut khinta hi. Ahia, ka bible simsuak pen kuate hiam sang a hat zaw ka hi, ka chih theih na ding aom kei, kei leh kei a Pathian in hon teh ahihmanin. Bible a sim suak ngeiloute sang in bel hat zaw ka batna om thou mahleh, upa thaunilh tang ka hihna ah, ka dinmun ah kei leh kei kiteh leng a hat zou loupi ka hi lai ding hi. Midangte' hoih ziaak hiam, siat ziaak hiam a kei' point hibehtap tuan ding hilou ahihmanin, kei leh kei mahmah ka kiveelchet gige ding tuh a poimoh pen ahi.

Ki taitehna lam thu ah, midang va huchi buai pih luat na ding thu om kei. A ut uleh kei sang in hat kei zaw uh henla, a ut uleh hat zaw ta ve uh!! Ka upatpihpa a kikhop ngei louh khawng kei kisialpih na ding thu aom kei!! Mi' thil hoih louh hihte ka huchi buaipih luat sang in kei bang dinmun ah ka ding a chih pen a poimoh zaw hi. Hiai ka chihna in, midangte i khual kei ding ka chihna hilou hi. Buukna/tehna toh kisai liu-liau ah ahi ka gen. Itna nasep leh kankuahna ah bel, ei mimal sang mah inleng midangte awlmoh a it dingin Pathian in hon hilh nawn leu-leu hi. Midangte it ding lam thu zaw hun dang ah hihenla, tutung i topic uh toh kisai in ahihleh, MIDANGTE HOIH LOUHNA ENLOU IN, NANG LEH NANG KI-ENCHIAN IN chih mahmah athupikuai khat asuak hi.

Ka tawpna dingin, huchia tehna tuamtuam, et dan tuamtuam a buuk a i om lai un, hoih kisa pen, pil kisa pen, leh hat hun mahmah kisate na tawm kuamah a chin zou taktak om kei hang. Mite' theih a khami mahmahte leng chin tuan kei. Zingkal devotion hoh gige-te tanpha in!! Himahleh huai tehna/buukna ah Jesu ahong tut chiangin a chin lou pente natawm hong ching thei hizaw hi. Ka sum neih, ka lehkha siamna, ka pilnate'n hon ching sak zou ngei lou himahleh, Jesu ziak kelevu in huai buukna (tehna) ah ka ching thei hi. Ka kihisakna ding, ka kiphatsakna ding naak om kei na lawmlawm e!! Huai buukna a ka chin theihna omsun Jesu kelevu ahihleh, chiklaipeuh a ka masuan ding tuh amah (Jesu) ahihgige ding ahi. Aw Jesu bangkim a ka bangkim!!!

REV. KHEN ZIN

Rev. Khen P. Tombing leh a inkuante december 22, 2014 ni in Lamkannusia in US zuan in zinkhia uhi. Kha 2/3 veel aom sung ua chidamtak a omna dingun i thumna uah theizuini.

SAPTUAM / KRISTIAN LEH EITE

(Mat. 13:1-9, 18-19)

BY: JOHN M. DOUSEL

Tangval nou khat FERNIE kici khat in tuh Jesu Krist gingta lou ban ah pom lou ahi. A ziak ahieh leh, amah bel khamtheih hih mi leh khovel thil noptaak na lud ahi. Aman agen tuh bang hiam I cih leh "PATHIAN" aom kei ci bilbel ahi. Tua bang kaal ah nidang a akipolh pih numei JUNE kici om hi. Amah bel apiangthak a ahin khua ahong kheh hi. Amah, JUNE, bel pasal nei khin sa ki khen nawn, pasal thak nei ahi a, apasal thak toh akristian hin khua hong zang in Biakinn lam zuan in apasl toh hong kin ton diamdiam sek uhi. Himahleh nidang a khamtheih ahieh pih sek ten a Biakinn kai khong hong za dah mawk uhi. Tuabang kal ah alam dang khat bel PETER kici, abiakinn kai za dah te lak a khat, leng hong piangthak in Gospel band khat bawl khia in Pathian phat na laa te hong saa pan ta hi.

Hiai mi thum(3) te hinkhua uh en le hang ahong ki patna uh ki bang hilele ahin khuauh ki bang lo vek. Hiah i gen nop pen bel bang a i cih aleh mi khen khat ten bangziak a alawm te uh alunglut na ua pan kaih khiak sawm uh hiam, chih ngaih tuah tham ching mahmah ahi. Tangthu tawmchik a i gen na ah 'JUNE' hin kho zat dan en le hang a lawm te'n a biak in zotzot pen zadah mawk uhi.

Miten a kristian hin kho zat dan, ana pom dan, ana zak dan kibang lou vek, hilele abiak uh ki bang vek ana hi ahi. Unau nang na 'kristian' hinkhua zat dan na bang ci zat a? Buh cii theh pa: Jesu'n buh cii theh pa cih gen theh na ah tuh abuh cii pen kuate hihiam, abuh cii theh pa pen kua hi hiam? (Mat. 13:1-23) I hin khua bang chii'n i zang ua, aman pha in maw ase lam in, cih i ki vel thak apoimawh hi.

Buh cii theh pa buh theh ding a pei laia lam khang khawng ana kiate khong ihi kha hia? (Mat. 13:4) Lamdung khong a kia te ihih ua leh bel GAM MANG ding ihi uhi. Leilak sahlou khah a ke te i leh bel apoi mahmah ding. Banghang hiam i cih leh TANGTHU PHA i za a, crusade khong, siminar khong, counselling khong a i tel sek ding uh ka gingta. Apiangthak masa pen a pang zozen i kha ding. Ki ngaih tuah lou pi a “ka Piangthak” chih theih phut ahi. “Huan, akhen suangsi lakah a akia a; lei asah lou jia kin a hongpou paha; himahleh, ni a hong suahin hai vuaiin a hongom a; zung a neih louh jia kin, a vul mai maha.” (Mat. 13:5-6). Huci bang ihih khak leh den Chiang in nite hong sa ding a ‘Piangthak kahi’ na chih pen na lungtang taktak a kipan hong pawt ahih kei leh zo i keupah ding.

Himahleh ei hong chingpa’n hong koih na di mun taka i om leh bel ihinkhua a lamzang ding a, Toupa vualzawl na leng i tang ding hi. Hileh i ‘saptuam’ sung a tawldam ding a, huai kia le hilou in na ‘kristian’ hinkhua leng ahoih ding.

Nang leng, buhcii theh pa lam pai lai a buh tang kia khat chout ahi kei a tampi ahi ding hi, huaimah bang a na ‘kristian’ hinkhua hong suse thei ding, na lawmtampi te lampi ah pial khial mah le uh eng ken lan, zui le zui dah in huai sang in ‘hantawn’ zo in, na din mun kip tak in len kip in. Douzoh na nang aki nga ahi.

I tangthu gen te en tale ‘JUNE’ pen leng alawm leh vuallui ten a ‘kristian’ hinkhua suse thei ding in va khemkhem mah le uh aman ana dou zou hi. Aman adin mun alen kip zou hi. Huai mah bang in nang leng dou zoh na nei ding na hi cih phok kawm in pang le chin i hondampa Jesu Krist in hong ponpih ding ahi. Hilehna Saptuam pih sung ahoih ding a, ahong tai san sam kei ding uh hi. Nang leng na pial sam kei ding.

Tuabang kal ah, na ‘kristian’ hinkhua leng ahoih ding a, mite a kipan “KRISTIAN” chih min loh na leng amang ngei kei ding a mite’n leng ahong muang ding. Haksatna natuah hun zo om mah in the, hileleng Toujesu na neih peuh leh nang a din’n na lungmuang den ta ding.

MISSION NASEPNA REPORT

Amasa in Messenger sim tute navek un “KUMTHAK CHIBAI”

Report s gelh thei dia damna hon pia Pathian min kaphat hi. Maharashtra state hih state lian mah mah ahi a, district 36 om a, India adia gam lailung (0 KM) om na mun ahi. Himahleh khota (Village) ah om te akhosak dan uh aniam mah mah mai hi. Pu-Pa tawn dan ngaisang mah mah mite ahi ua, a polh nuam ua himahleh sahkhua a kulmut mah mah, nam niam leh nam sang kikal a kidei dan na sang, khut nasep hah bawl mi leh pawlam potkhe lou mite ahi uh. Nidang in England gam leh gam tuam tuam ten Missionary a na sawl lut in Missionary ten mun bang zah hiam luah in Pathian thu (Gospel) a na tang kou pih uh hi. Himahleh huai hun lai in tulai sang in nam niam leh nam sang kikal a ki dei dan na asang zaw hi. Nam sang ten nam niam te sang in thu neih na ahau zaw ua, athu uh apai zaw hi. Huaiziak in Missionary tam zaw ten Namsang te kia ana pi bawl in nam niam te ana ngaihsak law lou uh hi. Huai te awlmoh in Dr. Rev. D.B.Kulothungan in MVM ana pankhia in tun semtu 170 kipa hi.

Maharashtra Village Ministries in tribal, Korku, Kolamb, Gond, Banjara, Pardhan, Pardhi, Mahar, Maratha, Varli, Teli, Kunbi leh Madgi hiai te lak ah nasep na ki hah bawl diak hi. Amaute atang pi in kho ta ah teng ua, khosak na haksa pipi a khosa ngen ahi uh. School hoih a kaizou lou leh Tanchin hoih him him za kha nai lou te ahi uh. Huai ban ah sahkhua a kulmuut mah mah te ahih ziaak un khat vei thu a vakhek phut chih thil hithei vual hilou hi. Huai ziaak in MVM in school ministry 2005 kum in ana pan khia a tun school 3 thum kinei in, tup pi pen ahihleh naupang te Pathian thu theihsak leh Khristian suah sak ahi. Huai dungzui in school

ah naupang te Bible chang zilsak, Bible ah mithupi te tanchin hilh, thum di dan sinsak leh amaute adia thumsak leh Jesu Khris hong pian dan leh a sih dan tangthu te hilh leh naupang te in veh a thumna neihsak jelchihte tulel a kapai dantang pi uh ahi. Naupang ten Bible thu atheih te uh, Jesu thil hih theih dan a inkuan te kiang ah agen Chiang un Nu-Le-Pa khen khat ten ata te uh school ah lakhia in amau school ah kaisak chih bang le tampi a om hi. School ah naupang te Pathian thu aki hilh pen aguk in adeih het kei uh hi. Hilehle Christian School bang ah school dang te ki thu nun na omlou ahih man in hon tai san tak tak ngamlou tampi omjel uh hi.

Saptuam te thumna ziaik in Biak inn thak hon ding chih bang omtou jel in om a, Pathian min i phat a, November, 20, 2014 in Methikheda a Biak in thak hon in om nawn a, Ruikheri a Biak inn lam na pai tou lel lel a, Nanded district a Nange, Chandora, leh Patwara ah Biak inn mun ding kilei khin Gram Panchayat in phal na le hon pe khin ta tu kum sung ah nasep pat ki sawm hi. Napthala ah Biak inn kilam zoh hita tukum sung ah hon hi di.

Mela chih aki hah bawl mah mah hi. Atup ahihleh gingtu te suk hat ding leh mi etton theih ah om ding chih ahi. Mi 700-800 khong kipai khawm in Pathian thu ah kithuah khawm na hun ki nei sek hi.

Noute toh

semkhawm

-S.T.Soigoulun & family
 Shalom Training Centre
 Akola Bazaar Road, Kolambi
 Yavatmal-445001
 Maharashtra
 Mobile: 08888171936

Report **The 31st General Assembly
-cum-
PWF Joint Conference 2014**

December 11-14, 2014, Rayburn High School Campus

December 11, 2014 (Ningani) Khompi tunkim zan - 5:15PM in Eld. Langkhanpau Guite, Moderator, General Assembly in khawmpi honna nei. Khawmpi hon zoh ahihphet in PWF Central Choir ten siamtakin “*Phatna zaila i sa ding*” chih lasakna nei uhi. Huaizohin vaidawanna Nu Niangkhongai, President PWF Joint Conference in nei hi. Rev. Khen P. Tombing, Chief Coordinator PCI (R) in saptuam sung a nasepna tuamtuamte leh Project tuamtuam kineite detail report pia. Rev. M. Khamlianmang, Coordinator PWF in Presbytery teng a numeite’ nasep dan leh PWF Joint Conference bialvehna toh kisai detail report piakna leh video lahna nei hi.

Rev. G. Pau Muanthang in Sam 78:1-72 pansan in “*Heutu etton tak*” chih thupi zangin thutak genna nei. Pathian in Belampu ding a tel a, Amah tel Belampu in tuh chihtakna toh na a sem hi. Huaiziakin belampu in a belamte a ching a, a vak hi. Belampu na hihna ah na belamte na vak hia? ahihkeileh ihmud san, laithai kap san, nungak ngaihsan maimah na hi hia chih thu gen hi. December 12 (Sintawpni) 5:00pm biakna hunin Chief coordinator in Pastor 2 – Intern Pastor Nanglianl eh

Intern Pastor Dongkhankhupte ordination piakna nei. Huaibanah Missionary 2 – Chingsuanmang, Cambodia a Missionary leh Kumarjit, Meitei Mission Field a missionaryte kiangah Pastor naseptheihna Certificate leh Pastor Gown pia hi. Huaizohin Rev. Paul Billy Arnold in Anugraha Presbytery toh kisai report piakna nei hi. Rev. Khen P. Tombing in 2Timothy 4:6-16 pansan in “*Kampau, omdan, gamtat ah Pathian thutak toh kituak a omding*” chih thupi zangin thutak

genna nei. Bible simtam ding, theihlumlet ding ahihdan leh a poimohdan gen. Pathian apan a thilpiak I tante leng mawk tutpih maimai louh ding ahihdan gen hi.

December 13 (Kiginni) 5:30 PM biakna hun ah Rev. G. Suanzalam, Coordinator (Institution) in Samuel khatna bung 3, Sam46:10 leh Isai 32:9 pansan in “*Pathian aw i zak theih louh na ziate*” chih thupi zangin thutak genna nei hi. Bangin Pathian Aw i zak ding ahon dala? Damlouhna, sum leh pai haksat luatna, silh leh ten buaipih luatna ten a hon dal thei hi. Koimun ah hun na zangtam pen a? Pathian a dingin hun bangzah i pia a chihthe genna nei. December 14 (Pathianni) 10:00 am biakna hun ah Rev. G. Suanzalam in Joshua bung 2na leh Hebru 11:30 pansan in “Rahab-numei kizuak, sum leh pai a nopsakna zong mi himahleh Pathian thu a zak in a hinna a khenglamdang vilvel. Nang’ tampi vei Pathian thu na za gige ta, na Pathian thu zak in na hinna bang chituk in a khenglamdang zou a? chih thu genna nei hi. Hiai zing biakna hun ah Agape Babies Home a naungek 12 omlelte a dingin thohlawm donna neih ahi a, thohlawm latna leh naungekte adia thumsakna

Rev. H. Chinthiansong, Coordi nator, Ministries in nei. Senior citizen kum 80 leh a tunglam mi 66-te kiang ah leng itna thilpiak piakna leh thumsakna Rev. Khen P. Tombing, Chief Coordinator in nei hi.

December 14 (Pathianni) 5:00pm biakna hun ah Rev. G. Suanzalam in Genesis 13:10-12; 19:15, 26; Luka 17:32 pansan in Pathian aw za-gige na-pi a hon thou khesak theilou hondaltu bang ahi hiam? Na Sodom bang ahi hiam? Lota zi apan in bang zil ding i nei a chih thu genna nei hi. Hiai biakna hunah Covenant Childrens Home adingin thohlawm donna kinei a, thoh lawm latna leh naupangte adia thumsakna Pastor K. Zamkhan suan in nei. Huaizohin General Assembly leh General Assembly Working Committee a telching thakte nagotna leh thumsakna Rev. Kham T. Valte in nei. Huaibanah Presbyterian Youth Conference 2015 a makai dia tel mi 5 te nagotna leh thumsakna Chief Coordinator, Rev. Khen P. Tombing in nei hi. Hiai teng zoh ahihnung in GA 2014 Recording Secretary Elder L. Hangthanmang in Vaihawmna toh kisai report piakna nei a, PWF Joint Conference Secretary Nu

Rithanglian Tombing in leng khawmpi toh kisai report piakna nei hi. Kipahthugenna Nu Niangkho ngai, President PWF Joint Conference in nei. Huaizohin khawmpi sung a thu leh laa a kidemna tuamtuamte kipahman hawmna neih ahi a, huchiin khamloutak leh khelahtakin Elder T. Khupzadou, Vice Moderator, General Assembly 2014 in khompi khakna nei hi.

Devotion:

December 12 & 13 (Sintawpni leh Kiginni) zingkal dak 6:40 in Pastor Chinsuanmang, Cambodia a Missionary in “*Thilpiak – biaknalehnasep ah*” chih thupi pansan in thutakgenna nei a, a kallak in a mission field lam uh leng report tel zel hi. December 14 (Pathianni) zingkal dak 6:40 in Rev. G. Pau Muanthang in khawmpi thupi Isai bung 32 na bible study hon neihpih hi. Devotion hun 3 te leh thugenna hun 5 kineite apan khalam khantouhna leh halhthakna thupitak kinei. Thutakmah, chiamnuih tellou, suidetdet leh chiang mahmah a ahon genziak un kivak kuau a, thutak hon gensakte tung ah kipahna lian mahmah hi. Pathian in amaute thupitak leh gahsuah takin zangtouzel hen chih mipite thumna ahi.

Hiai khawmpina ah kidemna item 7 om- Category 4 a khen ahi. Debate, Extempore speech, solo, lapawl, Bible chang gen, khaukikantuah (tug of war)leh banner bawl chihte ahi.

Ziltawpni dak 10:00 AM in kidemna kipan a, hiai niin Extempore Speech leh Debate kidemna kinei. Hiai teng zohin khau kikan tuahna Local 21 PWF Committee member-te lak a neih ahi a, nuam mahmah zoizoi hi. Hatpen hihna Zion PWF Committee memberten la uhi. Kiginni dak 10:00 AM in Lapawlp, Bible chang gen leh Solo kidemna kinei hi. Category 4-te apan a kidemna a tel zah hiai bang ahi: Kidemna individual item ah mi 83 pang. Lapawl leh bible chang gen ah group 67 pang Banner bawl khua 26 pha. Banner bawl nalhpen hihna Mualkoi PWF ten tang uhi. Kidem dia hongkuan gamla pente Delhi PCI te ahi ua, amau tung ah kipahna lian ei!

Debate, Extempore speech leh banner hon etdiksahte: Rev. Khen P. Tombing, Rev. H. Chinthian song, Rev. G. Suanzalam,- Solo, lapawl leh bible chang gen hon etdiksahte: Htp Ginza kham,

Heutupa Mangtungnung, Heutupa LLMouna, Heutupa Siamlianpau. Kidemna a pang te kipahman lak dan hiai bang ahi:

Category 1(Lapawlpi)- 1st Zen hang Lamka, 2nd Olive, 3rd Raybur. Bible chang gen – 1stMualkoi, Zion leh Zenhang Lamka, 2nd Rayburn, 3rd Olive

Category 2 – Lapawlpi - 1st Bethsaida leh Daijang, 2nd Bethel 3rdMata, Bible chang gen – 1stThingkangphai, 2ndBungmual, 3rd Bethsaida

Category 3 – Lapawlpi - 1stKerith, 2ndSaljang, 3rdEngedi. Bible chang gen –1stSaljang, 2ndBukpi, 3rdMimbung

Individual kidemnate

1. Solo: First – Chingngaihlan (Kerith) Second – Ngaihlian (Suangdoh) Third -Gouvung (Lungthul –L)

2. Debate (Mover): First – Biakhoih (Z. Lamka) Second – Shinghoihching (Olive) Third – Sonnei (Thingkangphai) leh Niangkhangai (Rehoboth)

3. Debate (Opposer): First – Lamneithem (Thingkangphai) Second – Niangneichiin (Elim) Third -Nengngaihzen (Singngat) leh Ngaizamoi (Olive)

4. Extempore speech : First – Siangching (Mualnuam) Second – Zamkhanniang (Rayburn) Third – Huainiang (Delhi)

Kidemna a pang tengteng a panna item chiat uah kipahman kipevek a, kitaitehna a kipahman kihawm khe tengteng 151 pha hi. Hiaikhawmpi zang dia hong kuan, North leh South Lamka Presbytery tellou a mikhual zinhawm ngai mi 328 pha hi. A ki record lou (zinhawmngailou) mikhual leng tampi om lai. Tutung khawmpi ah PCI saptuam pumpi local chih hoh kimvek hi. Biakna hall kidim phitphet gige. Pathianni nitak biakna hun in hall baang phel khiak ngai khop in kikhawm kitam hi. Worship Team te makaihna nuai ah lasak khawmna nuamtakin kinei ziahziah zel a, khawmpi hunsung in mipi'n la 28 kisa khia. Lapawl 24, solo 2, Duet 2, Trio 2, Quartet 2kisa. La kisa khe tengteng 60 pha hi. Mipi kikhop huntengin PWF Central Choir ten siamtakin lapawl sa gige uhi. Hiai khawmpi neihna dingin Hall kilawmtak leh nalhtakin Sir Puzamuan Hanghal, Vice Principal-Rayburn High School leh

a teamte makaihna leh Rayburn PYF te panlakna in kilamkhe demdom hi. Rayburn PYF leh PWF kithuah in zinhawmna feltakin hon saisak uhi. Huaibanah, hiai khawmpi lohchinna dinga pan late tengtung ah kipahtu PWF Joint Conference Committee ten a thak in hiai i Messenger tungtawn in kon gen thakthak uhi. Toupan tha-le-zung, sum-le-pai hun leh gim tampi sengte tengtung alehtampi in vualzawl hen!

Khompi hunsung a bangmah buaina omlou a, khalam halhthakna thupitak hon tun a, lohching taka hon zousak Jehovah Pathian in thupina leh pahtawina tengtung tang ta hen. Amen!!

Kakipak,

Sd/-

Secretary PWF JC 2014

TITANIC

(The sinking of the unsinkable)
by Thuamson Hangzo

Titanic kichi eite hun adia long lianpen leh nuam penpen ahi. Hiai longpi hi a dunglam feet (khap) 900 phial a sau ahi a, kahpasik (steel) 9 (kua) a atuang kibawl hi a, innsawng 11 toh gikdan kikim ahi. Mung (lawng) lianpipi fit 22 vel a gol chiat van lam a fit 62 a sang a kikhohou ahi. Titanic longpi ton 46,378 a gik ahi a, a khawl (engine) in horse power 55,000 a hat thahatna pekhe thei ahi. Anhuan inn hoihtunguan in niteng in mihing 6,000 baihlamtakin avak thei hi. A long in meikhukpi 159 niteng a meihol ton 650 huai meikhukpi adia poimoh anei hi. Tui naam theilou a bittak a compartment (pindan) 16 titanic tui a atop theihlauh pen thil maktak aom hi.

Mi khenkhatte ngial in houh Pathian hial in leng tum sak theilou ding ahi chi hial uhi. Kimuanna a dim in Titanic in a khualzin patna April 10, 1912 in England a Southampton ah kipankhia in US a khopi New York zuan in hong zinkhe ngoi-ngoi hi. Nipini sunning khat April 14 in long maban lampi ah vukkhal tampi aom chih longpute kiang ah report a tung a, hilehleng huai theihsaknate ngaihpoimoh thamlou chi in a ngaihsak kei uhi. Titanic longpi in hattunguan a Atlantic tuisuahgiat tung a record break a hong tai zulzul lai in, sepnawni (Tuesday) a New York khopi hong tun in nitak 9:30 in wireless operator in thukin zaksakna (urgent message) mu in a paina ding tuisuahgiat ah vukkhal lianpi mahmah aom chih a za hi.

Huai bang thukin poimoh mah zan dak 10 in wireless operator in a mu nawn a, huai leng a kitheihmohbawl nawn zel a, Titanic longpi in zan dak 11:40 (pm) in vukkhal lianpi tak a hon phutkhak leh a long hong kikek zak a, tui a hong luanglut zungzung maimah ta hi. Long tui a tum theilou (unsinkable) tuh

tuisuahgiat vottak feet 12,235 ah a tumsuk hiai-hiai maimahta hi. A sung a tuang mihing 2,235 lak ah mi 1452, a laithon puak ip (bag) 3435, suang meihol ton 6,000 leh passenger-te van ton 800 toh tuisuahgiat ah a tum mangta uhi. Mitphiatkal khat sung lel in mi 1452-te Atlantic vuk tuisuahgiat vottak sung ah a hinglai in a tumta maizen uhi! Lungkham huaitak a mihingte hinna manphatakte ah huai longpi (Titanic) tuisuahgiat a tum hetlou ding uh hi a, longpu (captian) leh a seppihten warning a muh zihzeh uh na ngaihsak a, khawknasa a, na awlmoh hile uh zaw!

Sanggam leh lawm ittak, huai mah bangin Pathian akipan a warning genkholhna, bible a I muh uh ei ten leng I ngaihsak teitei ding uh. Hinkhua a khulzinna a atuah ngei-ngei dingte Chiangtakin Bible ah Pathian in ahon warning in ahon theisak hi.

01. Hinkhua a khualzinna a I tuah ngei-ngei dingte lak a khatna tuh I vek un si vek ding ihi. Lamet het louh in khatvei tei eiten sihna I tuak ding uhi. Pathian thu in Romte 6:23 ah “Khelhna zaw sihna ahi” a chi hi. Hebrute 9:27 ah “Mihing a dingin khatvei sih seh ahi” a chih

behlap lai dep hi. Sam laibu 103:14-15 ah mihing hinna leh paak kilawmtak, vuai a vul ngei- ngei ding, tomchik sung a kilang nawn lou ding toh a khaikhin hi. Hiai bang a Pathian hon hilhkhohlnate mai ah, hih dia dik leh poimoh pen tuh a tangtung ngeingei ahiah ziaak a mimal in sihna maituah dia kisakkholh tek ding. Lamet louh laitak a hon pha guih ding ahiahmanin.

02. Hinkhua a I tuah taktak ding khat I theih ding ahiahleh sihna kichi I piankhiakna tawpna hilou ahi. I sih Chiang a I hinna bei vek ding hiam, eite I hong om khiakna uh bei sipsip ding chih hi zuau thu lauhuai ahive. Huaibang a lauhuai dang tuh I sih Chiang a I damlai a I thilhih diklou leh giloute hang a thuak dia leitung a piang nawn ding chih ahi. Hiai thu ah Hebrute 9:27 ah Pathian in hon vauna tuh "Mihing adia khatvei sih seh ahi a, huai khit Chiangin vaihawmna tuah ding ahi. Ataktak tuh I taksa silehleng I kha tuh I sih khit Chiangin leng Pathian vaihawmna tuak ding a hing ding ahi. Pathian hon vauhilhna khat tuh I damlai a I khelhnate, I sih nung Chianga bawldik thak theih louh ding ahi chih.

03. Ataktak a I tuah ding thumna bel I kha a vangam hiam, gawtmun hiam a pai ding ahi. Vangam leh hell (gawtmun) a taktak tuak ahi. Hell kichi a tawntung a thuakgimna mun ahi a, vangam ahiahleh Pathian loupipen omna, kipahna bukim tangtawn a tanna ahi. I Toupa Jesu mahmah in leng hiai thil tuah taktak dingte, mi hausapa a damlai a Pathian a nial ziaak a tangtawn gimthuakna a tuah dan ahilhchian hi. Hiai kibat louh dan tehkakna in Lazar in tangtawn nopsakna Pathian thupi omna azalzou hi. A damlai a Pathian ana it ziaak ahi chih Jesu'n Luke 16:19-31 ah agen hi.

04. Thil tuah taktak ding lina ahiahleh hotdamna, lametna ahi. Pathian in suahtakna ding a tanchinhoih (Jesu hotdamna thu) a puangzak hi. Tangthupha ahiahleh Pathian in eite lam ah ahon itna ahon lak, misiste ihih hilhial lai ua Kris eite adia asih thu (Rom 5:8) Pathian tapa in khovel (mihingte) khelhna tengteng amahmah ngei in a kilak a, khelhna ziaak a gawtna ding a kipan in hon hotdamna dingin kithoihna hing bangin a sita hi (I Pet. 2:4) Hiai hotdamna thu na pom leh Jesu sih hamphatna nang a ahi ding hi. Pathian mai a na khelhna na puan a

Jesu kia nang hondampa a na pom leh khelhna hamsiatna leh gawtna akipan in na suakta ding hi.

Thukhakna: Vauna leh hotdamna Pathian in “Amah Pathian’ tapa gingta in tangtawn hinna anei a, amah Pathian Tapa gingtalou in bel hinna mulou ding a, Pathian thangpaihna a tangtawn tung ding hi (Johan 3:1b)

Ka lawm, hehpihtakin sihna leh gawtmun Pathian hilkhholhna kiphawkmoh bawl het ken. Tuni in Jesu Kris hotdamna pom inla, gawtmun a gawtna ding akipan humbit in om in. Ki zekai sak kei dih, lamet louhpi a sihna in hon

man ding ahihziakin hotdamna tan ding na khahsuah tawntung mai theih ding ziakin. Tuni a aw na zak leh na lungtang khauhsak phenphan ken. Pathian thu Hebrute 3:7,8 ah akigen hi.

Laisiangthou in a gen beh sawn lai a “Ngai in tu hun kipahhuai ahi a, ngai in tu hotdamna nni ahi” II Kor 6:2 ah a chi hi. Jesu na hondampa a pom a tangtawn gawtna pumpelh dingin ka hon chial in ka hon ngen ngut-ngut hi.

Pathian hing in a thu vualzawl hen.

Eld. Thuamson Hangzo
Raubyryn Presbyterian Church

GA 2015 Officers:

Moderator : Elder Langkhanpau Guite
Vice Moderator : Rev. TS Thangta
Secretary : Elder L. Hangthanmang
Asst. Secretary : Elder V. Nunlian

GAWC 2015 Officers:

Moderator : Elder T. Khupzadou
Vice Moderator : Elder N. Thangzamawi
Secretary : Rev. Khen P. Tombing, Chief Coordinator
Asst. Secretary : Rev. H. Chin Thiansong, Senior Most Coordinator

MIRACLE

(It tak a pom lum)

By PL Thlenga, AIIAS, Philippines.

Naupang khat kap nil-nil kawm in damdawi zuakna ah va pai hi. Damdawi zuaktu kiangah ‘Pi, miracle (thillamdang) damdawi na nei hia? Ka nu damdawiin ah aom a, doctorte’n miracle (thillamdang) hong tun ahihkei ngal leh a dam zou kei ding a chi ua, miracle damdawi ahong tungta hia? Ka nu adia miracle lei dia hongpai ka hi” chi hi.

Ka gen ut pen ahihlehuai miracle damdawi lampang ahikei zaw a, nu’ itna, a chi lum hithit a poimoh dan leh manphatdan ahi zaw. Zanlam zekin tumalam a Columbia Union College (USA) a chih sekna mun ua Radio Program a zatna uah “Testimony Program” a chih uah nupi khat in a inkuan sung a Pathian’ thillamdang hih (miracle) toh kisai hichi’n a gen hi.

Naungek khagak a upa phiik ka pai a, zingkal khat ka taksa tung a nop louh luat ziakin ka pasal kiang ah hospital ah paikin ni, ka omdan a dik kei, ka naupai bangchidan hiam a om ahi ka chi a, huchi’n hospital ka zuan ngal uhi. Doctorte’n ahon en pah ua, kintak a naungek phiikte lakkhiak ngai ahi chih thu hon hilh uhi. Huchi ahihkeileh naupang hiam, kei hiam in thuak loh thei ka hihdan uh hon hilh uhi. Huchi’n akin theilam a naungekte lakkhiak didan hon geel uhi. Huchi’n naungekte hon lakhia ua, khatpen numei ahi a, khatpen pasal ahi. Bangtan hiam nungin numei pen ahon pom ua, ka kiang ah hong koih uhi. Huchih lai in ka tapa pen la? Ka chih leh ‘poi mahmah e, ka hondam man kei uh’ chi in hon dawng uhi. Numei pen adam ziaak a ka kipah zahzah in pasal pen ka taan ziaakun ka thuak na mahmah a, naungek na vui ma un tomchik bek ka pom ut chih ka hilh hi. Nurse ten pom dia zaw nuam nawn lou ding ahi, minute 40, 50 paita ahihmanin vot vekta ding ahi chi in hon hilh uhi. Himahleh ka pom ut ka chih tei-tei ziakin ahon pia ua, duat takin ka pom a, ka en Chiang a, asamte bang

hoih mahmah ahimanin ka pom chim thei kei hi. ‘Ekhai bawi na hoih tel, na mit hah ka mu ut ngei e aw, na mit tang a vom ahi dia aw, ahikhei a dum ki-kiai ahi dia aw’ chi in ka houpih mial-mial hi. Ka houpih nung sawtlouin akhut ahong taang guih a, misite a sih nungun a nerve uh taang thei lai ahimanin tua bang dan hidingin ka ngai hi. Hilehleng a den zek chiangin a khut lehlampang ahong tang nawn zel a, huchibangin akhe le ahong tang zom hi. Huchi’n a mi thong hak a, amit ahihleh dum ki-kiai ahimanin a nalh mahmah mai hi. (Englishte mittang a dum tampi om him ahi) Ka kipah ziakin ka kikou ek a, ka mittui aluang zut-zut hi. Doctor-te ka sampah ua, dakkal khat phial pai khit nung a ahong dam nawn mai tuh lamdang sakna leh kipahna in akuapeuh ka dim uhi. Ka kiang nai ua omte chauh hilou, ka thu uh zapha teng hong pungkawm in kipahna toh kidim ka hi pen mai uhi. Hiai tuh Pathian in ka tung ua thillamdang (miracle) ahih ahi. Tu in kum khat mi vel ahita ua ka tate damtheihna hoih mahmah uhi.

Tua bang a nupinu’n a testimony a gen khit in bangziak a na ta sisa a ngaih hong dam nawn ahi dia le? Chih a dotna uah ‘Pathian thil hih lamdang ahih toh kitonin, itna toh ka pom lum

ziak leng ahi ding’ chi in dawng hi. Nikum in Psychiatries minthang tak Rene Spitz in naupang etkolna tungtang ah thil muhkhiak thupitak mai anei a, South America a va hoh in tagahte inn ah kum thum hial omden in research va bawl hi. A va hohna tagah khoina in ah naupang 97 om ua, semtu kidaih louh ziakin naupang kha 3 akipan kum 3 kikalte’n it leh duat tak a dontu ding neilou uhi. Hiai naupang duattak a etkol louh, pom ngei luat louh, it thoh tak a tawp khak louhte tuh kha thum nungin hong kapneh mahmah ua, ann leng ne hoih utlou uhi. Kha 5 nungin tua naupangte akah chiangin khem tawp theih louh phial in gilou uhi. Huaibanah amel uh eng (vak) lou kia hilou in, adamtheihna uh check-up dia doctorten a khoih khak zek chiangun lau in kipek suangsuang uhi.

Huai naupang deihbangtak a etkol louh a omte tuh kum khat nungin seh thum suah she khat si ua, akum nawn in naupang sagih sih beh nawn uhi. A damsunte leng lungsim lam a mi phalou deuh lampang hi uhi. Amaute tuh dontu hoih louh ziak ahi a, neek lam thu ah ann hoihtak a piak ahi uhi. Huaiziakin, naupang tuh nu’ itna, chillum, pom, leh kamnem a hoihtak a houpih pen manpha lotel mahmah ahi chihna ahi. (beita)

KHAWMPI FEEDBACK

-V. Nunlian

Industrial leh company lian, minthang taktak te'n vai khat peuh a sai chiangun mipi dottak deuhthe apan a feedback a kaikhawm sek uhi. Huai bel, a company un a thilsai-te uh lohching, fel leh masawn zaw seem a apai theih na ding, leh thil a sai nawn chiang ua amasa sang a afuh (lohchin) zawk na ding ahi. Feedback piak i chih thil kilawp huai ahihlough bangin lungsim piching loutak a simte a dingin valh hak kha thei, a gelhtu pa bang bet ek ut huai thei thil ahih kha!!

Khawmpi Committee: Committee set-up dan hoih mahmah hi. Aziak ahihleh i fel dan, i sep theih dan leh i kipiakzoh dan uh kibanglou kal ah, Office Bearer ki-form dan (muan deuhthe select khiak pen) hoih mahmah hi, huchi kei leh hichi lou ding hi. Tua bang kal ah Presbytery a vaipawte a hon la-khawm ua, ahi ding mah ahi. Committee-te panlakna leh kipumpiakna ziaak mah toh abialfan un tha-thohna tamtak hon guan hi. Sep peih mah zaw ngai, motivate siam mah zaw poimoh ahi chih a muh theih hi. Tua bang kal ah khawmpilian Committee set-up ah i deih leh i ngaihte laak theih hithou kawm in, khawmpilian hial ding tuh, PAC tan beek in Office Bearer a setup uh hileh pichin huai zaw lai ding hi. Khat in i deih teng kaihkhawm or i deihteng kaih khiaksak abat

sangin!! Khat thu-thu a kihih ahi ka chihna bel hihetlou bilbel zee!! Theihtuak ve-ve khat ahihleh, khatvei-vei mohpuakna kikhek zeel bang le heutu seekna khat ahihmanin poimoh ding hi.

Finance: Numeite'n local chih a antangpham a neih chiat ziaakun haksa law lou in khawmpi sumphut pe thei uhi. Huchikawmkal ah GA palai-te' TA pen khobing chiat a hawm dingin thupukna hon la zui ua, hiai pen a poi-na omlou bangmahleh maban etna in hoih kasa kei hi. Kumnawn in PYF khawmpilian ahong om nawn ding a, amaute finance lam ah tasam sem ding uh ahihmanin PWF-te i piak theih leh, PYF lamte leng numei pawl bang a i panpih uh hong kilawm nawn ding, GA palaite TA teng khochih a i hawmzak nawn

uh ngai ding bang hi (PYF ten ahon nget uleh). PYF lam in ngen lou a khosak a sawm theih uleh bel heutu chin mahmah hong hi ding uhi. Tua bang a sum i hei sek pen in mahni khe a dinkhiak tupna tasam sak, heutute' tung a kipumngak veu-na lungsim hon pu-sak, banah, neihsa val a khosak tup pawngmawkna hi in ka mu hi. PWF khawmpi di ziak a GA palaite' TA di heikhiak (zatkhawm thou himahleh) hikei henla, Head Office apan in athu gindan tuam in ging in pekhe zaw lehang deihhuai kasa hi. GA pen lawi nak a kaih mah hong bang dek!! Huchi hikei lehleng hong bang hi. Aleh lam a ngaihtuah dia hoih kasak ahihleh, sum i neih zah leh mukhiak zah toh kituak a khawmpi zat sawm ding ahi. I muh zah sang a thupi tak a zat tei-tei i sawm pen lemgelsiam taksapna khat ahi. Ahuchih keileh i khawmpi neihte uh kizawnloh, ki buailoh thei ding hi. I saptuam pen thil gel det-det a pai lou hon bangsak dektak!!

Worship Team: Amasa in music group lamte kon gen masa ding. I khangtou zel a, live a music tum kawm in lapi-na i hih thei ua, kipah huai mahmah hi. Ei sang a saptuam lianzaw-te hih dan etton huai kasak

khat bel, amau music group-te akiu khat ah seat pia uhi. Mipi lasak di ahih chiangin a music lamte le hong dingtou, hong kisa tawm chih omlou, amau seat mun ah tu den ua, lasak ahun chiangin a tutna mun mah uah hon ging khe sak lel uhi. Huai in stage tung a kileh nei-nuai chih pen kiamsak banah, fel huai zaw sa ing. Tua i hih dan uh, lasak di teng a music groupte le va dingtou in, kisatawm chihte le a diklou hituanlou, a soisel le hilou, hilehle tua kon gen pen felzawk lam toh kisai ahi.

Worship Team ah i PWF Coordinator kipumpiak takin a ding sek a, midangte' coordinator/director-te toh i kibat louhna, i kipumpiakna uh su-langtu ahi a, kipahpih huai kana sa mahmah hi. Heutu lamte kipiakzohna thupi sa in ngaihsan huai kasa hi. A lehlam ah, i coordinator-te lapitu dia zat sangin, lasakkhawmna nop luat ziakin hong dingkhia hizaw leuh a kilawm ve-ve dia aw chih bang leng a ngaihtuah theih. Leadership maintain lampang en a ka gen hi e!! A kilawm khat aom ngei ding, hoih tuak-tuak mahleh!! Tua ka hon gen pen Kumpi David Pathian phat a alam ek leh a zi'n ana zumpih toh kibanglou deuh thu ahi.

Hall bawl: Ki motivate na dingin khochih apan paikhawm hall bawl pen ahoihna om mahleh seen thawna lel ahih sek. Singpi mahmah ah tam bei, i nasep khiak lah i tam tuk a tawm a tawm, ngaihndan tampi hong pawt zough-zough zawmah. Huaisang a mi bangzah hiam sum a i goih leh fel zaw, nalh zaw hi. Huaiziakin, tutung khawmpi i hihdan mah fel hi in ka mu. Huai dan a nasep pen tuailai lamten i zang thei kei deuh uh abang a, i etton theih khak uleh hoih mahmah ding hi.

Program: Proram paidante i hihna bangbangin fel in hoih mahmah hi. Himahleh, program piching lak a committee-te se-gah tomna slide show a et naih-naih, chiamnuih toh nuih zaih-zaihna pen om kei thei zaw leh chih ka na ngaihndan ahi. Koi hiam mission filed a-te gamtatdante khawng hileh bel thutuam!! A nasep dan uh, a pan lak dan uh, nop a sakna uleh a haksatnate uh Kris min toh apuakkhawm uh ahihziakin a limlakte uh ngaise tuanlou bang kasa sim!! Ka lawmnu'n bel etnop sa!!

Kidemna: Kidemna ah i gintak khel un i serious naak uh. PCI Voice ah sanggampa khat in khua khenkhat in endiktute a lazil uh endik dia khawmpi ma a asap thu uh, leh hoih

lou a sak thu ahon post a, khenkhat in a poi sam a, a chi ua, khawmpi dek ahihziakin ka paihkhiak sak a, athu pen hoihlou sa pumlum hilou in, khawmpi hon hihnok thei hi a ka muh manin ka delete sak hi. Ka gen ut pen tuh kidemna toh kisai hizaw lou in, i khawmpi uh KIDEMNA KHAWMPI lel abatna om mah bang ka sata hi. Khawmpi a bang hiam gahsuhna muh ding sangin kidemna lungsim toh hun i zang uhi. Khua khenkhat ah lawman lak tum a kisal ek-ek pawl om ahi chih ahon gen ua, i lungsim put uh diklou mahmah ahi dia aw ka chi hi. Lapawl leh Bible chang apawl a gen theite prize akibang pevek in, huai pen kidemna himai leh chih huai kasa mahmahta hi. I politics a MLA kitelna in tanau leh saptuam ahon khet ek sek bang a kidemna ziaak a lungsim put diklou tak a khawmpi i zat uh diklou hi. Pathian in “Na khawmpite uh ka kih” a chih khah ven huai sa ing. Huchia kidemna serious sapsap, kidemna a etdik di dan, rule leh zuih tuak kibawlte ahun dek or kidem zoh a i gen uh diklou hi. Etdik didan tengteng (kim sip-sip thei kei lehleng) a hunma, kidemna di a zil lai ua theihsakna i bawl ding uh ahi. Huai theihsakna i bawlte ua kipan chinlahna a nei uhiam chih et ding ahi. Hiai bel,

saptuam lian zaw leh thupi zaw-te hihdan hoih kasak thu ka hon taklat ahi. South Lamka BYF (EBCC) a ka va tel khakna ah, contest department in mark a gawm kei ua (mark heikolh ding venna) endiktute mah in mark a gawmkhawm ua, first, second, third theisa, leh sui kai in contest department ah a pekhe pan phet uhi. Tutung khawmpi se hilou, hun paisate et a ka hon gen nop ahiehleh, kidemnate i na et chiangin hehpih ziak, or ahong kuanna agamlat toh chih pian a prize piak aom chih chiang mahmah hi. Ahiehkeileh, endiktuten le hehpih law mawk?? Kidemna aom leh adik a apai ngei-ngei ding ahi. Serious lou i kichi-na ua, i kidem taktak chiangun bel “Amen, Halleluiah” chi mun ta-ta endiktute gei a tai sal-salte hizel uhi.

Uniform: Vaite’n tanu khak toh kisai a movanken ahon pat uleh uang gawp ahimanin tu in buai loh ua, tanu neih khak ding lau thei mahmah in, tanu nei tamtakin movanken di neih louh ziakin atate uh that maimah uhi. Lamka zang a khosa saptuamte’n uniform hoih leh kilawm taktak a khui sahsauh ua, thil hoih himahleh a siatna lam ah Zou dawn a i saptuam form nei zou

lou, hong zin zou hamhamte a dingin i khawmpi uh zumna mai tun thei hi in ka mu a, kampau ka za bok!! I khawmpite un salam thil hah bawl law gawp ihi ta uh. Uniform neih ding pen kham taak dingin hoih kana sa mahmah hi. A neizoulou lapawl sate’n zum huai asak dan uh kigen zeuhzeuh hi. Mahni nampuan leh puanak ut-ut silh ding a dan bawl tak ding ahi. I lak a kideidanna piangkhe ding bang hi.

Limlak: I khawmpi chiangun limlak i thupi bawl mahmah ua, lim la in stage ah i kivialleh souh-souh uhi. Hiai pen hoih kana sa kei hi. Khenkhatin phone (akhonung a zat le hituanlou) in ana la ua i buai vengvung uhi. Limlak poimoh ahiehleh, khawmpi vaisaituten limlatu ding mi khat seh a, video late gei lak a mun khat piak a, huai in thil kihih khempeuh a lak mai ding, pai vialvial ngailou... a deihten amah kiang a khawmpi zoh chiang hiam a kan thak ding. Huchilou, biakna hun himhim a limla a ki vialleh om louh dingin hoih kana sa hi. TV a live a in a et leh houh...chimtak huai mahmah bang hi. Hunpi deuh, etsakna dingin pastor ordination leh adang khenkhatte bel limlak hong kilawm mahmah om hi, tuate bel ahi ding mah.

Bang a gahsua a?: Kum teng a khawmpi i neih un bang ahon gahsua sak a? chih ki dot tuak mahmahta hi. Khawmpi dia sum tampipi seng a paikhawm sek hang-a, i khawmpi zoh a agahsua bang? I khawmpi in sep dia ahon piakkhiak thak bang ahia? General Assembly a agenda i piak khawmte uh gen hilou ka hi. Khawmpi PWF/PYF/PMF nei ding i hihleh, bang focus (tum) ding? Huai tum leng khawmpi i neih zoh chiangin huai hong gahkkhe ding? chih dan plan om ngeilou hi. I khawmpite un a tup tuh, kidemna, thugen leh lasakkhawm zoih-zoih himai hi. Huaite khawmpi a bei toh beikhawm. Kidemna a prize la kha te'n danbel khawng toh inn lam zuan, huai pen agah himai ding maw? Kidemna ding bible i zilte uh KIDEMNA ding tup ahiah mah bangin gah kipah huai a suang khe law tel kei a bang hi. Hilou ahi, i khawmpi un omzia a neih ding ahi. Tup a neih ding ahi. Gahsua leng a neih ding ahi. Khawmpi dia paikhawm ri-ngot pen Pathian' in eite tungtawn a atup hikha khollou ding hi. Ei sang a saptuam neu zaw, lah piching mahmah khenkhatte hihdan tuh,- khawmpi (numei & tuailai) a neih uleh, i khawmpi un bang it um dia, bang semkhe ding? chih kikupkhawmna pen a thupipen in nei uhi. A khawmpi un a focus pen uh toh kituak dingin thupi zang ua, huchi'n khawmpi a bei chiangin telching thak a om ten khawmpi in a leh a-ngim pen sepsua didan ngaihtuah in pan la tou uhi. Sep dan leh pai dan chitak zaw a i lut touh uh hun mahmahta hi. Sum tampi-pi, i budget sang ua tamzaw tham i pawng seen ek sangun!!

THEIHTUAK LEH THUKUP

01. Tukum 2015 in Pastor 3 laak hi ding. Office lam in abaih theilam a ahon sai ding uh chih ahimanin saptuamten i thumna uah theizuini.
02. Autonomous Body Rule & Regulation toh kisai kuapeuh thukup ut leh behlap tuak neiten kha guk sung a bawl ding ahi.
03. PMF leh Music Committee rules leh hatzawkna ding thukup nei utten kha guk sung mah a thukup bawl ding ahi.

KIZAKSAKNA & NGETNA

General Assembly Working Committee (GAWC) Meeting 5 veina Dt. 15, 12, 2014. Resolution No. 01 dungzui in kum 2015 – 2017 sunga dingin Pastorte Transfer & Posting kibawl a, huan kum 1 (ie., 2015) sunga ding Presbytery Superintendent ding guanna leng kinei hi.

A. Pastors Transfer & Posting For 2015 – 2017

<u>Sln.</u>	<u>Min.</u>	<u>Station</u>	<u>Bial</u>
01.	K. Dongkhankhup	Thanlon	Tallian & Bukpi
02.	G. Paukhansiam	Sinzawl	NE.Khodungsei & Mimbung
03.	Nanglian Tonsing	Songtal	Mualnuam & Kaihlam
04.	V. Suankham	Lunghul(L)	Tuima, Sialbu
05.	Khamzantung	Lunghul (T)	Suangdoh, Enpum
06.	G. Kamchinthang	C.Tuiveljang	Maukot
07.	M. Thangkhanmuan	Singngat	S.Thadouveng, Jaolien, Simbuk
08.	K. Muankim	Mualtam,	M. Saljang, M.Tanglian
09.	G. Vungsangmung	Mualkoi	T.Daijang, Thingkangphai
10.	K. Vungkham	Bungmual	Olive, Emmanuel,
11.	Goukhansiam	Z/Lamka	Rehoboth, Elim
12.	T. Liankholal	Rayburn	Engedi, Peniel, Kerith.
13.	P.L. Thanga	Zion	Bethsaida, Bethel
14.	S. Zamkhansuan	Delhi	
15.	Khaikhanpau	Bangalore	

B. Kum khat (ie., 2015) sunga ding Presbytery Superintendent

1. Thanlon Presbytery : Pastor K. Dongkhankhup
2. Singngat Presbytery : Pastor M. Thangkhanmuan
3. South Lamka Presbytery : Pastor G. Vungsangmunmg
4. North Lamka Presbytery : Pastor T. Liankholal

C. Joining Report piak hun ding leh Station a tenlut hun ding toh kisai:

1. Manipur State sung a Transfer khak a omte'n January 2015 kha sung a station dia piak a omna mun a ki report ding leh vateng lutchiat ding a nget leh zaksak ihi uh.
2. Manipur State polam a Posting paiding leh honglut ding te'n Concern Coordinator abaih thei bangpen a thuzak ding in ikitheisak uh.
3. Pastorte akisuan khiakna uah one way forward moving allowance Head Office in piaksak ding chih iki zasak uhi.

D. Saptuamte kianga ngetna:

Saptuam'paidan bangin Pastorte kum 2015 – 2017 adingin general transfer ibawl ua, Saptuam te'n Pathian min toh ahong omthak ding Pastor leh a inkuante nana pakta ding leh ahon kisuankhiak sanding Pastor leh a inkuante kipaktak a nana khakhe dingin Pathian' min in kahon ngenin kahon theisak hi. Pastor te tuh damsung khosakna leh inten louten a khavalou hial a koihding Saptuamte'n imohpuak uh ahi chihleng ikizasak hi.

Bethlehem naungek Jesu Krist apan kipahna leh khamuanna ivek ua tung ah hong om tontung hen.

-Rev. H. Chin Thiansong
Coordinator (*Ministries*)